

Alþingi  
Erindi nr. P 128/1701  
komudagur 13.3.2003



## LANDSSAMBAND LÖGREGLUMANNA

Efnahags og viðskiptanefnd  
Austurstræti 8-10  
150 Reykjavík

Reykjavík, 11. mars 2003

**Efni: Umsögn um frumvarp til laga um breytingu á lögum nr. 94/1986, um kjarasamninga opinberra starfsmanna.**

### Almennar athugasemdir

Með bréfi dags. 21. febrúar s.l. sendi efnahags- og viðskiptanefnd Alþingis Landssambandi lögreglumanna (LL) frumvarp til laga um kjarasamninga opinberra starfsmanna, 298 mál, aðild að stéttarfélagi.

Landssamband lögreglumanna þakkar nefndinni fyrir að fá tækifæri til að koma athugasemdum sínum að.

Frumvarpið snýr mjög að LL sem stéttarfélagi lögreglumanna.

LL vill vísa til umsagnar félagsins dags. 2. apríl 2001 um frumvarpið og ítreka andstöðu sína við breytinguna.

LL gerir talsverðar athugasemdir við framsetningu greinargerðarinnar þar sem LL telur hana nokkuð villandi og draga mjög úr þeirri vinnu sem að stéttarfélög vinna fyrir þá sem að standa utan stéttarfélaga. Þannig virðist misskilnings gæta í greinargerðinni um það sem að kallast þema 2 “félagsgjald sem þjónustugjald”. Fram kemur að aðalefni kjarasamninga opinberra starfsmanna séu laun þeirra en um rétt þeirra og skyldur, svo sem rétt til orlofs og launa í veikindaförföllum sé kveðið á um í sérlægum sem taka að sjálfsgöðu til allra opinberra starfsmanna, hvort sem þeir standa utan eða innan stéttarfélaga.

Rétt er að geta þess að laun eru mjög mikilvægur þáttur kjarasamninga en önnur réttindamál eins og orlof og veikindaréttur sem nefnd eru í greinargerðinni eru einnig gríðarlega mikilvæg. Þannig virðist gengið út frá því í greinargerðinni að önnur réttindi starfsmanna en laun séu ákveðin í lögum og stéttarfélög komi ekki að þessum málum. Það er rétt að í lögum er kveðið á um að rétt starfsmanna til orlofs eða veikindaréttar en ekki er mælt neitt nánar fyrir um þann rétt. Þannig hafa stéttarfélög komið að því að semja um þau réttindi og má t.d. nefna veikindarétt starfsmanna en þar hafa sum stéttarfélög afhent samningsumboð sitt til bandalaga stéttarfélaga. Gríðarlega mikilvæg

## LANDSSAMBAND LÖGREGLUMANNA

---


réttindi hafa unnist varðandi veikindarétt fyrir tilstuðlan stéttarféлага en lögin sem slík veita engan rétt. Þannig nær ávinningur þessara mikilvægu réttinda einnig til þeirra sem standa utan féлага.

Þá er kveðið á í greinargerðinni um þá stefnu að heimila forstöðumönnum ríkisstofnana að gera persónulega samninga við starfsmenn um launakjör og að starfsmenn njóti ekki þjónustu stéttarfélagsins nema í samningum um lágmarkslaun.

Þarna virðist talsverðs misskilnings gæta enda algengt í kjarasamningum að þjónusta stéttarfélaganna nái langt út fyrir það að semja um endanleg launakjör. Þannig eru skýr ákvæði um að svokallaðar samstarfsnefndir (þar sem að sitja bæði fulltrúar stéttarfélagsins og atvinnurekanda) sem að starfa á samningstímabilinu fjalli um nauðsynlegar breytingar sem gera þarf á stofnanasamningum (oft ákvarðanir um launakjör allra líka þeirra sem að standa utan féлага) og taka á vandamálum er upp kunna að koma varðandi stofnanasamninga. Mikil vinna fer þarna fram og nýtist hún einnig þeim sem að eru ófélagsbundnir

Í greinargerðinni eru sérstaklega nefnd framangreind atriði og telur LL að vinna stéttarféлага varðandi þá sem standa utan stéttarféлага sé mun meiri varðandi þessi atriði en reynt er að halda fram í greinargerðinni. Þá má að auki nefna alla aðra þá vinnu varðandi kjarasamninginn sem nýtist þeim sem að standa utan féлага og er sú vinna í gangi einnig á milli kjarasamninga.

Virðingarfyllt



Grétar Jónsson hdl.,  
framkvæmdastjóri LL